

筆

花

醫

鏡

序

天下之至變者病也天下之至精者醫也欲極其精以窮其變雖千萬言不足以發明其緒是以岐雷貸季而後名家輩出議論紛如而合諸病情變幻有難以按圖而索驥者勝何人斯而敢以一二淺言謂足以罄乃事乎然至變者病而可見者恃乎形至精者醫而可據者恃乎理以形求理即以簡馭繁達乎此通乎彼固有千萬言所不能盡而一二語足以賅之矣暇自中歲究心醫學往來於江浙之間深知其難亦不敢自安於拙迨服官東粵學漸荒蕪而習見此

邦醫士如文家相題布局理法未清其何以司活人之柄耶病家固不甚講求但以神鬼為福即偶延醫診而默受其誤者亦終莫之知是哉不服藥為良矣可慨也夫暇久思引救礙於官箴茲將引退還山略舉其要鐫為一編俾人人得有簡要之方偶遇一症自可按對病情審為何臟何腑是陰是陽不乖乎表裏虛實寒熱之真即知為心肝脾胃肺腎之疾症既洞澈藥自效靈救諸授命於茲以身為鵠者其損益可昭然判也誠願有志者熟玩是編據為要領而旁參諸大家之說自可一覽了然將近以事親遠以濟

衆於生靈不無補焉是為序

道光四年孟夏之月上浙浙江歸安江涵敬自序

效之妙者十法

一在頭頂心百會穴 一在印堂 一在兩太陽穴

一在喉中兩旁 一在舌下兩旁 一在雙乳

一在兩手十指頭 一在兩臂兩灣 一在兩足十指頭

一在兩腿灣 凡病者有青筋此必助現於一處或

現於處必須用銀針刺之先毒其毒也但後換用艾葉
其脾肝腎腸胃經絡用藥

治病者十法

腰背骨痛連風府脹痛頭暈目眩太陽膀胱經之病也
目視赤脈乾鼻鼻燥膝中攣痛足陽明胃經之病也
脹板痛不眠在伸四肢去力泄瀉不已是寒陰脾得之病也

脇肋痛脹痛連兩耳是少陽胆經之病也心胸不痛身
不痛而但肢作脹是厥陰肝經之病也痛連腰腎之脹脹硬是
少陰腎經之病也咳嗽聲啞天逆費哈是手太陽肺經之
之病也半身疼痛麻木不仁左右不仁是伸者手太陽小腸經

之病也半身脹痛伸仰傷廢者是足不伸屈伸者手陽明

大腸經之病也病重則之各味不者或狂言或譫不省人事

身少陰心經之病也或醒或睡或狂或狂言一二向身少陰心包經

之病也胸脇熱脹揚去衣被刺諸子刺手少陽三焦之病

也之病也難病往相克而發也昔者幸治病並醫難症

惟形前產後者病皆重是為虛以善醫而宜補之病而宜清產

後宜慎之病宜涼也故用甘寒涼劑

之病所忌熱湯熱內形陽果食淡物以味辛苦寒物也口久多舌

在難醫之病值不可藥通飲食必時一二至則病除在重症

之病脹之症胸中為熱如鼓發皆心之病痛者互脹腰腎互痛

心胸左右互痛脇肋之痛四肢腫痛身如燥燥者熱象也
口乾舌干汗少珠喘而不保昏味不醒故之病不出之病塊大痛

華花醫鏡

浙江歸安江慎齋書花老

河南睢陽謝菊坪全核

目錄

卷之一

診脈歌

望舌色

望聞問切論

表裏虛實寒熱辨

內傷外感雜治法

傷寒證治

虛勞論治

疫痢瘧腫論治

卷之二

心部

脾部

腎部

膀胱部

大腸部

三焦部

卷之三

兒科證治

卷之四

女科證治

肝部

肺部

胃部

膽部

小腸部

心包絡部

目痛心熱赤目乾不養水目赤腫痛屈大目胞腫痛久升稜骨

無光腎虛水目赤腫痛屈大目胞腫痛久升稜骨

眼腫痛則虛見又目痛表鼻塞噴嚏受邪鼻燥肺表

流涕肺鼻血行赤鼻瘡酒發因身乾表

口渴肝虛消渴熱以苦傷筋又汗池以燥咽乾水濁

流涎肺熱睡唇焦胃表舌黑燥渴胃熱吞苦骨騰重

舌木舌心熱齒痛熱面黃脾寒現面色痿白肺寒齒

黃胖面腫有濕又浮腫而痛風也耳鳴久旺耳聾虛

故又肺實火聾耳肝熱風療癰肝喉痛肺表邪咽痛

肺實又通咽通咳痰有聲嗽肺表有咳嗽木剋金又

火閉又通咽通咳痰有聲嗽肺表有咳嗽木剋金又

小腸寒 又肺虛不 又寒肺又 肺熱有 又腎虛火 咯血 虛
 失氣 又安也 又胃熱 喘 脾虛 土 肺表 閉塞
 陰虛 吐血 動其血 又迫安行 喘 不生 金 又風寒 閉塞
 動火 虛水 喘嗽 邪容皮毛 嘔 心實 無吐 胃虛 有物 熱
 又腎虛 火炎 喘嗽 邪容皮毛 嘔 心實 無吐 胃虛 有物 熱
 吐 脾熱 食 嘔吐 肝實 木 又脾寒 中空 食 又胃寒 食 嘔
 逆 肝實 氣 呃逆 不止 胃熱 吞酸 暖腐 胃寒
 逆 肝實 氣 呃逆 不止 胃熱 吞酸 暖腐 胃寒

○ 中部

肺痿 肺虛 火刑 金 肺癰 肺實 吐 氣急 肺虛 火痰 閉 肺
 而葉焦也 肺實 氣 水 閉 肺實 依 風 閉 肺實 風 火 閉 肺
 頑痰 氣 閉 肺實 氣 水 閉 肺實 依 風 閉 肺實 風 火 閉 肺
 壅 痰 氣 閉 肺實 氣 水 閉 肺實 依 風 閉 肺實 風 火 閉 肺
 喘 肺 暑 閉 肺實 中 又喘 昏 悶 酒 積 熱 肺
 痰 胃 虛 土 痰 飲 脾 實 痰 停 心 下 伏 又胃 實 亦 痰 迷 心
 痰 衰 濕 作 痰 飲 脾 實 痰 停 心 下 伏 又胃 實 亦 痰 迷 心

卷之二

煩疾飲食化痰不勝虛土

心痛胃虛又血痛中痛有定處氣滯心實煩氣上衝

心下停飲涎痛作水擊蟲齒心痛而白唇紅暴痛肢冷

其胸滿氣結聚結胸胃實傷寒早癒胸脹也胸痛嘔

腹生腹胃實肝虛血又膽又肝熱左脇痛不和氣右脇痛實

肝移積聚下名曰肥積

腰痛腎虛水又虛小腸

胃脘痛胃虛心又冷綿綿不伏

噎膈

胃虛上腕枯槁食可入而復出

腹痛

肝實木又脾衰中又脾寒綿停滯胃虛積

滯不消

脾不能食又胃虛不欲飲食力微也

氣積

脾發閉血積脾實蓄血刺食積胃實脹又脾實

痞痞積

脾實血滯痛有定處食積痛拒按又脾實

中空

盤脹脾實中脘悶積滯脹痛胃實小便痛肝實

之氣

又肝寒氣奔豚上至心下

腸風

大腸熱下血腸痙大腸實當臍而腸血脾虛不

交腸

陰陽逆大小腸氣小腸實氣滯下脘痺勝

一

勝便積毒下如魚腸豆汁

一

勝便積毒下如魚腸豆汁

下部

遺精心虛腎不交也精滑精少煩悶不食赤濁熱勞淋膀胱虛

苦氣虛而老淋精勝脫虛老人思心氣淋膀胱實氣滯阻水血

不化也勝脫實血瘀莖冷淋膀胱寒閉膏淋膀胱熱滴石

淋中刺痛難忍冷淋膀胱寒閉膏淋膀胱熱滴石

淋如沙石下氣肝實氣結疝瘕氣結囊縮寒又肝熱上偏墜肝

行九小便不禁肝熱又腎虛氣大膀胱虛示小便不利

肺熱火鏢金又非腎小便不通膀胱赤短不能勝水

而化源室也又非腎小便不通膀胱赤短不能勝水

溺清溺短熱便濁熱尿血熱小便出血熱又熱便

膿血勝脫

脫肛脾虛氣又大腸又大腸熱

大便結液便秘熱又大便血冷熱又

熱口燥

泄瀉肝實木又脾虛土又脾熱一瀉利如

雙鷄鳴泄寒白痢傷氣赤痢脾熱暑熱又痢脾

下又腎又大腸虛氣又痛綿寒腹

○ 雜症

驚悸心虛神又肝虛血又虛心血不怔忡心虛氣

徒忘心又腎不交

不得卧心虛過神不藏也又迫之也又胃實氣

太息肺虛不

發熱肺表又夜熱腎虛

惡寒脾虛又忘其類惡寒無汗膀胱表寒長風表

邪在皮毛

寒熱往來肝寒又膽表已化瘧腎

自汗脾虛又肺虛表又溼所致盜汗腎又膀胱

煩躁心煩發熱肝狂衣心熱發狂肝表又膀胱

寒下焦蓄血

謬語心熱又肺表煩渴便閉謬語發狂

胃實

又燥糞 大腸實

厥脫 脾寒氣逆 臥厥 冷腎寒 衰火急

虛勞 脾虛吐 戡陽 腎虛陰 命門火衰 腎虛虛弱 格脫

噁逆 渴閉

三消 胃熱結聚 上消 口渴 中消 易餓 下消 小便如膏

身痛 脾寒拘急 為 又 肢拘急 肌瘦 脾脫 頰 脾脫 冷

寒筋 瘦拘攣 熱 酸足 轉虛

傷暑風 脾表惡寒 頭痛 煩渴

中時疫 肺表初頭痛 發熱 漸嘔吐 胸洋 脈悶 諸 昏 焦 口 渴

嗜雜 胃虛 煩擾 不 又 胃 熱 炎 得 食 暫 已 大 為 慮

霍亂

胃寒傷
濕所傷

黃疸

脾寒
有濕

酒疸

脾熱
酒濕

陽黃

脾熱
皮黃

疸

光澤
皆黃

發腫

皮不

亮

脾虛
濕腫

喜熱

胃水
腫

實

發斑

疹熱

例論

數頁書豈能療千萬病然有綱舉目張之法蓋病總由脈腑總不外虛實寒熱審知其為何臟何腑之虛症實症寒症熱症而辨其病類以集之則藥歸同路療一病可療千萬病亦無不可固不在多立病名多立方書也此所謂鏡也

凡人不願知醫者以卷帙浩繁見而生畏不知從何學起也茲由言其現何病象係何臟腑作何治法寥寥數語亦易知矣其一切經絡源委槩不縷叙避繁曠也若欲究其全則自有諸名家書在

用藥如用兵須量其材力之大小蓋有一利即有一弊如大補大攻大寒大熱之品誤用即能殺人各卽後分爲猛將次將俾聞者不敢輕用卽用亦必斟酌分量庶知利害

人生一小天地病之輕者如日月之食不轉瞬自必回和斷不可輕易服藥恐益乎此則損乎彼也暇閱歷既久悉知其故寧受衆怨不輕徇情此事如老將臨陣大賈航海愈歷鍊而愈知畏耳

是書淺近說法別無精意不過願人人稍知醫理不爲庸醫所誤以延壽命且鄉僻間不及延醫者亦

可對症自醫取其便耳至醫家讀書少而閱歷淺者得此亦有頭緒稍知把握便可活人

是編大半採仲景東垣景岳鍾嶽諸家之說亦述而不作之意

凡古人立方常有精意然漸不可果用余嘗見淺醫未經閱脈遇暑倦輒用清暑益氣湯而不知黃耆芍藥遇熱喘難用生脈散而不知五味子之斂卒至暑熱伏留纏綿淋漓而擗其可哀也他如六味地黃湯及麻黃湯桂枝湯等必須斟酌萬變而後或用次將之品代之否則一誤之下不可挽回歸

林古入市人草作受哉

筆花醫鏡卷之一

浙江歸安江涵敬筆花著

河南睢陽

劉宜齋
謝菊坪

全校

診脈歌

病人雙腕仰高骨定為關

依掌後之高骨定為關脈

寸脈量虎口

尺脈率臂勢

關前距虎口一寸故曰寸關後距臂勢一尺故曰尺

左寸心包絡

左關脾與肝左尺司何職膀胱腎係焉右寸胸中肺

胃脾屬右關要知大腸腎本尺自那然

口鼻一呼吸脈東四五此是無病者平和氣血調

三至為遲候六至作數脈遲則寒之象數則熱之標

一二寒愈或七八熱更盛

輕舉得皮而重者邪水淋漓若重病將壞重取須沉求
洪長微實健細弱微虛者不得非後脈增利又弦者
緊促氣內亂伏瀉氣凝結難中止代失血中突抗
代脈中止抵此而動見其他病以

望舌色

舌者心之竅凡病俱現於舌辨其色症自顯然舌
尖主心舌中主脾胃舌邊主肝膽舌根主腎假如津
液如常口不燥渴或發熱而屬表症若舌苔粗白
漸厚而膩是寒邪入胃據滿飲而欲化久也此時已

不辨滋味矣。宜用半夏養香。迨厚膩而轉黃色。邪已化火也。用半夏黃芩。若熱甚失治。則變黑。胃火甚也。用石膏半夏。或黑而燥裂。則去半夏而純用石膏。知母麥冬花粉之屬。以潤之。至厚苔漸退。而舌底紅色者。火灼水虧也。用生地沙參麥冬石斛。以養之。此表邪之傳裏者也。其有脾胃虛寒者。則舌白無苔。而潤甚者。連唇口面色俱痿白。此或泄瀉。或受濕。脾無火力。連真黨參。焦朮。木香。枳殼。芍藥。草乾薑。大棗。以振之。虛甚欲脫者。加附子肉桂。若脾熱者。舌中苔黃而燥。宜黃芩。心熱者。舌尖必赤。甚者起芒刺。宜黃連。麥冬。

竹捲心肝熱者舌邊赤或芒刺宜柴胡黑山梔其舌
中苔厚而黃者胃微熱也用石斛知母花粉麥冬之
類若舌中苔厚而黑燥者胃大熱也必用石膏知母
如連牙林唇口俱黑則胃將蒸爛矣非石膏三四兩
生大黃一兩加蘇金汁人中黃鮮生地汁天冬麥冬
汁銀花露木刺之投不能救也此唯時疫發痧及傷
寒症中多有之余嘗治一獨子先後用石膏至十四
片餘而症始透病始退此其中全恃纖友再有舌黑
而潤澤者此係腎虛宜六味地黃湯若滿舌紅紫色
而無苔者此名絳舌亦屬腎虛宜生地熟地天冬麥

冬等更有病後絳舌如鏡發亮而光或舌底隘乾而不飲冷此腎水虧極宜大劑六味地黃湯投之以救其津液方不枯涸

望聞問切論

望者看形色也聞者聽聲音也問者訪病情也切者診六脈也四事本不可缺一而唯望與問為最要何也蓋聞聲一道不過審其音之低響以定虛實嗽之悶爽以定升降其他則無可聞也切脈一道不過辨其浮沉以定表裏遲數以定寒熱強弱以定虛實其他則胸中了了指下難明且時大時小忽浮忽沉六

脈亦難定準。故醫家謂據脈定症。是欺人之論也。惟
細問情由。則先知病之來歷。細問近狀。則又知病之
淺深。而望其部位之色。望其唇舌之色。望其大小便
之色。病情已得八九矣。而再切其脈。合講所問所望
果相符否。稍有疑義。則默思其故。兩兩相形。虛與實
相形。寒與熱相形。表與裏相形。其中自有把握之處。
即可定斷。慎斯術也。以往其無所失矣。

表裏虛實寒熱辨

凡人之病。不外乎陰陽。而陰陽之分。總不離乎表裏。
虛實寒熱六字盡之。夫裏為陰。表為陽。虛為陰。實為

陽寒為陰熱為陽良醫之救人不過能辨此陰陽而已庸醫之殺人不過錯認此陰陽而已假如發熱惡寒鼻塞咳嗽頭痛脈浮舌無苔口不渴此病之在表者也如或潮熱惡熱口燥舌黃腹痛使澀脈沉此病之在裏者也假如氣短體弱多汗驚悸手按心腹四肢畏冷脈來無力此病之本虛者也若病中無汗或狂躁不臥腹脹拒按脈實有力此病之又實者也假如唇舌俱白口不渴喜飲熱湯身流清涕小便清大便溏手足冷脈遲此病之患寒者也若舌赤目紅口渴喜冷煩躁潮短便秘或唇燥舌乾此病之患熱者

也凡此皆陰陽之分也。至於邪盛正衰陰虛火亢等則又陰中之陽陽中之陰其間毫釐千里命在反掌辨之者妄得而不慎。

表治宜發散也。如初感風寒發熱頭痛但用蘇梗

蘇梗荆芥蘇防風錢川芎甘草生薑以散

之頭痛甚加羌活如鼻塞或流清涕加半夏

蘇扶苓陳皮各錢如咳嗽則加桔梗杏仁錢三

前胡錢之類一劑得汗而熱即退不必再服但

避風寒忌油膩未得汗則再劑而止若寒熱往

來欲作瘧狀宜用柴胡酒芍赤芍錢製夏

一錢甘草五分大棗三枚生薑三片以和之虛者加防黨
錢此其症在表切勿妄用枳壳神曲麥芽消導
之藥引邪入內

裏治宜歸經也有虛實有寒熱宜辨其病在何臟
腑而治之法詳臟腑門惟喜怒憂思悲恐驚謂
之七情此裏症之最難治者但覓其心而藥始
效否則無益也然症在於裏大忌發散散之則
虛者汗脫熱者煽熾醫家動輒用表可懼哉
虛治宜補也然有陰虛有陽虛血虛者為陰虛宜

補其血輕者用生地錢四首烏錢二歸身錢一酒芍錢五

黃芩甲錢二 槽豆皮錢三 海參錢三 北沙參錢三 之類重

者用熟地錢五 枸杞錢三 五味分七 芎藭錢一 兔絲錢一 以

填之 氣虛者為陽虛宜補其氣輕者用黨參錢三

白朮錢二 山藥錢二 茯苓錢五 炙甘草錢六 紅棗枚六 生薑片一

之類重者用人參錢一 黃耆錢一 以振之 氣欲脫則

并加附子錢二 乾薑錢二 以回陽 若氣血兼虛則陰

陽並補 八珍湯十全大補湯皆聖藥也

實治真瀉也 心有大邪 肺有風寒 脾有食積 蟲痞

源熱 肝有鬱怒之氣 脾胃包絡膀胱大小腸各

能受邪 皆為實症 治法詳各臟腑門 然治實以

速為功苟遷延日久病未去而元氣虛則難以
消導矣

寒治宜溫也寒在表則惡風寒宜蘇葉錢藿梗錢

荆芥防風錢各前胡錢杏仁錢生薑錢之屬以散

其邪甚則桂枝分五麻黃分五細辛分六寒在裏則喜

熱湯宜製夏錢藿香錢焦木錢製朴錢吳茱萸

分焦穀芽錢煨薑錢砂仁分二之屬以煖其中甚

則附子分六肉桂分六乾薑分六凡寒痛昏必白脈

遲便利腹或冷痛一投寒涼入口立脫慎之

熱治宜涼也然熱症有實久有虛火實火之症或

因外感或因內鬱所致宜分臟腑治之火之微者黑山梔錢一錢石斛錢三錢地骨皮錢二錢青蒿錢一錢丹皮錢一錢連翹錢一錢麥冬錢二錢花粉錢一錢銀花錢三錢竹葉錢五錢燈心錢一錢之屬甚者加黃連分七黃芩錢一錢或石膏錢四錢知母錢一錢極甚則用大黃錢五分龍膽草分七等虛火之症或陽虛外熱口不渴唇不紅脈不數宜四君子湯以補其陽或陰虛內熱舌或絳頭或痛目或乾過午便熱宜四物湯六味地黃湯以補其陰

內傷外感雜治說

前言表裏虛實寒熱六字病已盡在其中矣而表裏

之中又有內傷外感之治焉。內傷者裏症也。而有氣血痰鬱四字之分。外感者表症也。而有風寒暑濕燥火六字之別。再詳其治法。醫無餘蘊矣。

內傷一曰氣。氣虛者。四君子湯。若氣實而滯者。宜香蘇散。平胃散。二曰血。血虛者。四物湯。若血實而凝者。宜手拈散。三曰痰。痰輕者。二陳湯。六君子。若頑痰膠固。變生怪症。或停飲膈間。宜滾痰丸。小半夏。芩薤湯之類。四曰鬱。凡喜怒憂思悲恐驚。皆能致鬱。鬱小者。越鞠丸。逍遙散。若五鬱互結。腹膨腫滿。二便不通。宜神佑丸。承氣湯。

之類、此內傷之治也。

外感一曰風、真中風是也、非表治中之偶感風寒也、風有中腑、中臟、中血脈之殊、中腑者與傷寒同、太陽用加味香蘇散、陽明用葛根湯、少陽用小柴胡湯、中臟者眩仆昏胃痰聲如鋸、內有熱風寒風二種、熱閉則先用搐鼻散、次以牛黃丸灌之、便結脹用三化湯、冷脫則汗珠頭搖以附子理中湯急救之、或三生飲、中血脈者口眼喎斜、半身不遂、大秦芫湯加竹瀝薑汁、勾藤、二白、寒傷寒是也、寒在表則與風之中腑治同、寒入

裏用附子理中湯法詳傷寒論三曰暑暑輕者
但煩渴益元散足矣暑重者汗喘昏悶消暑丸
灌之寒包暑者頭痛惡寒而煩渴四味香薷飲
加荆芥秦艽若暑天受濕而霍亂藿香正氣散
主之更有乾霍亂症吐瀉不得俗名攪腸痧喘
飲入口即斃危症也陳香圓煎湯救之四曰濕
或受潮或食冷面黃身重平胃散治之若黃瘧
則目溺色黃茵陳大黃湯茵陳五苓散茵陳萹
附湯若發腫五苓散五皮飲若滲入筋絡肩背
臂痛用秦艽天麻湯蠲痺湯五曰燥此症惟秋

冬時久晴有之。而吃鴉片者更易犯。其症鼻乾
口渴咽痛舌燥目火便閉乾熱不宜發表宜用
生地天冬麥冬花粉沙參元參歸身梨藕蔗汁
之類以潤之。六曰火治法詳於前。熱治中更審
其臟腑投涼則得矣。然中寒則暴厥中濕則猝
悶中濕則痲塞中火則竅閉皆能猝然昏倒非
中風而似中風。謂之類中。勿誤作中風治。此外
感之治也。

傷寒論治

傷寒之症與春溫夏熱不同。溫熱症頭痛發熱必不

惡寒而口渴若傷寒則異是其症由表而入裏初起時邪在太陽膀胱經則頭痛惡寒發熱脈浮宜加味香蘇散或桂枝湯麻黃湯柴葛解肌湯繼傳陽明胃經則目痛鼻乾唇焦不渴宜葛根湯再傳少陽膽經則目眩耳聾胸滿脇痛口苦寒熱往來頭汗脈弦宜小柴胡湯此三陽傳經之表症也失治則傳入三陰矣其傳入太陰脾經者則腹滿瀉下利脈沉宜大柴胡湯其傳入少陰腎經者口燥咽乾痛利清水目不明危矣宜小承氣湯大承氣湯至傳入厥陰肝經者小腹滿舌捲囊縮脈沉宜大承氣湯或有得生者亦

有不傳三陰而傳入太陽脾腑者則口渴溺赤宜五苓散傳入陽明胃腑者則譫語狂亂燥渴便閉轉失氣自汗不得眠宜白虎湯調胃承氣湯以上為傳經傷寒因寒化火也其有初起寒邪直中三陰者其症腹冷痛吐清沫利清穀踈臥肢冷囊縮吐虵舌黑而潤脈沉細此寒症也中太陰脾理中湯中少陰腎四逆湯中厥陰肝白通加猪膽汁湯急投勿緩此係醫中第一要症故專論之

虛勞論治

虛勞之症大症也固由真陰虧損虛火鑠金而然

其始大半由於外感感邪在肺則作咳嗽治失其宜則咳不已久咳則傷肺金金傷不能生水則腎水日枯腎火日熾上灼於肺再復嗜色慾受外邪以竭其水而虛勞成矣間有本元不足思慮太過而心血耗心火旺腎水乾肺金痿者其受病不同及其成功一也此等症多見吐血痰湧發熱夢遺經閉以及肺痿肺癰咽痛音啞側卧傳尸鬼注諸疾唯在屏棄一切不近女色調飲食慎風寒息真怒靜養二三年服藥可不服藥亦可自然生機轉復其天和非旦夕所能効也然既有症必有治列方備擇仍在其人之能

咳嗽初起用止嗽散加蘇梗以散之如或不已
變生虛熱者佐以團魚丸若病勢漸深更佐以
月華丸若吐血先用四生丸繼用生地黄湯逍
遙散之類元氣虛五味異功散如氣血虛而發
熱八珍湯人參養榮湯均可咽痛用百藥煎散
音啞用通音煎如遺精用秘精丸經閉澤蘭湯
至五臟虛損則補天大造丸用藥之法不遇如
斯而已此症什存一二其能存者皆自養之功
非藥力也

疫痢瘧腫治論

疫痢瘧三症最多，腫最難治，故合提而論。疫有由天時者，有由人染者。由天時則邪從經絡入，爲頭痛發熱、咳嗽、頸腫、發頤、大頭、天行之類，用香蘇散、普濟清毒飲治之。由人染則邪從口鼻入，爲增寒壯熱、胸膈滿悶、口吐黃涎之類，用神朮散、藿香正氣散治之。此兩路之邪，若傳入臟腑，漸至譫語、腹脹、唇焦、口渴者，宜治疫清涼散，承氣湯治之。總不越乎發散解穢清中攻下四法而已。痢症則生死相關，良由夏秋之際暑熱在中而爲風寒，生冷所遏，火不得舒，迫而爲痢。

也熱者爲赤寒者爲白熱傷血分者爲赤熱傷氣分者爲白初起時不宜妄攻宜葛根治痢散以解之餘邪未已裏急後重則用治痢奇方以清之腹脹痛有堅積則用朴黃丸下之日久脾虛五味異攻散加白芍黃連木香清補之虛氣下陷者補中益氣湯升提之如邪穢寒胃嘔逆不食者開噤散啓之此一定之治法也瘧則輕於痢矣寒邪入內陰陽相搏初起寒熱往來用香蘇散逐之隨用小柴胡湯和之三四發後止瘧丹加白朮仁醋炒鱉甲以截之久瘧元虛六君子湯加柴胡補之中氣下陷補中益氣湯舉之此

易治也。唯腫脹一症，目胞與足先腫者水也，先腹大後四肢腫者鼓脹也，鼓脹症用和中丸，虛者白朮丸，水腫症四肢腫而腹不腫者表也，腹亦腫者裏也，腰以上腫邪在表也，宜汗，五皮飲加蘇葉、秦艽、防風、荊芥、腰以下腫邪在裏也，宜利小便，五皮飲加赤小豆、赤苓、澤瀉、車前、草薢、防己，且煩渴便閉者陽水熱也，五皮飲加連翹、黃柏、黃芩，不煩渴者陰水寒也，五皮飲加附子、乾薑、肉桂，先腫而後喘或但腫而不喘者胃經蓄水也，五皮飲照前加減治之，若先喘而後腫者腎經聚水也，金匱腎氣丸治之，此症最難收功，慎

勿誤治更有中風後熱傷經絡足不任地腿腫脹痛者此脈痿也用蒼朮黃柏芩連冬斛歸地改膝寄生草薜丹參之類又有腫痛在脚名曰脚氣風濕勝也用栝榔防已秦艽天麻獨活牛膝桑枝木瓜之類

首卷列方

六味地黄湯 滋水制火專治血虛亦可為丸

大熟地錢四

山萸肉

山藥各錢

丹皮

茯苓

澤瀉各錢五分

八珍湯 治血氣並虛即四君四物相併

大熟地錢四

西黨參錢三

白朮

常歸各錢二

茯苓錢二

白芍錢二五分

川芎錢一

炙甘草分五

加大棗二枚

十全大補湯 治陰陽並虛而畏冷即八珍湯加黃

耆錢二

肉桂分六

四君子湯 治氣虛脾胃不足之症

人參三錢

土炒白朮二錢

茯苓三錢

炙甘草五分

加生薑二片 大棗五枚 古方用人參如無

力以西黨參代之

六君子湯 治氣虛挾痰即四君子湯加製半夏一錢五分

陳皮一錢

香砂六君子湯 治胃寒吐瀉即六君子湯加木香

錢一砂仁二粒

五味異功散 治氣虛即四君子湯加陳皮一錢

四物湯 治血虛肝腎不足之症

大熟地錢四

歸身

白芍各二錢

川芎錢一

香蘇散

治時邪感冒頭痛發熱等症

蘇葉一錢五分

陳皮

香附各二錢

荆芥

秦朮

防風

蔓荊子各一錢

川芎分五

甘草分七

加生薑三片

平胃散

治脾胃不和脹滿嘔吐霍亂等症

藿香一錢五分

厚朴一錢五分

蒼朮分八

陳皮錢一

二陳湯

治肺胃寒痰

製半夏

陳皮

茯苓各錢五分

炙甘草分五

加生薑一片棗二枚

刻方

手拈散 治血滯心腹作痛

元胡索

醋炒

五靈脂

醋炒

草果

沒藥

各等分

右為細末每服三錢熱酒調下

滾痰丸 治老痰變生怪症

大黃

炒黃芩各四兩

青礞石

沉香

各三錢

辰砂二錢

以水為丸辰砂為衣每服一二錢開水下

小半夏加茯苓湯 治飲停膈間加蒼朮更效

半夏薑炒

白茯苓薑炒

炙甘草一錢

生薑三片

越鞠丸

治鬱膈痞滿

香附 山查 炒神曲 炒麥芽 川芎

蒼朮 炒梔子各等分 右為末水調丸如桐子

大每服五七十九開水下

逍遙散 治肝經血虛木鬱

柴胡 甘草 茯苓 白朮 當歸 白芍

丹皮 黑山梔各一錢 薄荷五分

神佑丸 治沉積變病氣血壅滯濕熱風寒鬱結

黑丑二兩 大黃兩一 羌花 大戟 甘遂各五分

輕粉錢一 右為末用皂角去子煎濃湯糊丸每

服必瀉勿可輕用

大承氣湯 治和熱閉結或食積堅硬宜下之

大黃 三錢
枳實 五錢
厚朴 一錢
芒硝 三錢

小承氣湯 治症稍緩。即前大承氣湯去芒硝

調胃承氣湯 治和傳陽明以此解肌

大黃 二錢
升麻 二錢
秦艽 二錢
荆芥 二錢
赤芍 各一錢

麻黃 二錢
白芷 一錢
甘草 五分
生薑 二片

小柴胡湯 治寒熱往來少陽瘧疾口苦耳聾胸滿

脇痛

柴胡 二錢
赤芍 一錢
甘草 二錢
半夏 各一錢

黃芩 一錢
人參 五分
生薑 二片
大棗 二枚

搐鼻散 治一切悶症不省人事吹入鼻中有嚏者

生

細辛

皂角

各一兩

生半夏

錢五

右為細末入磁瓶勿泄氣

牛黃丸

治中風痰火閉結或隔喉痰墜不省人事

牛黃

射香

龍腦

以上各錢五分

羚羊

當歸

防風

黃芩

柴胡

白朮

麥冬

白芍

各七錢

桔梗

茯苓

杏仁

川芎

大豆黃卷

阿膠

各錢五分

蒲黃

人參

神曲

各錢五分

雄黃

另研錢四分

甘草

二兩

白欬

肉桂

各三錢

乾薑各錢五分

犀角兩一

山藥三兩

大棗五十枚

金箔

一百五十片

右藥細末煉蜜同棗膏丸每

兩作十丸金箔為衣

三化湯 治中風入臟熱極閉結

厚朴 木黃 枳實 羌活各錢五分 水煎服

附子理中湯 治臟寒將脫之症用以回陽

人參 白朮各錢二 附子 乾薑 炙甘草錢

二生飲 治寒風中臟六脈沉細

生南星 生烏頭 生附子各錢 生薑片五

生木香分五 此方用人參兩許同投更有益

大秦北湯 治風中經絡口眼歪斜等症

秦艽一錢五分 炙草 川芎 當歸 芍藥 生地

熟地 茯苓 羌活 獨活 白朮 防風

白芷 黃芩各八分 細辛二分 如陰雨加生薑

三片同煎

益元散 利竅消暑

甘草兩一 滑石兩木

消暑丸 治中暑昏悶

製半夏兩四 茯苓 甘草兩二

共為末生薑汁糊丸

四味香薷飲

治風寒閉暑之症

香薷

扁豆

厚朴

各錢五分

炙甘草五

若兩脚轉筋加木瓜茯苓

藿香正氣丸

治暑天受濕霍亂

藿香

砂仁

厚朴

茯苓

紫蘇

陳皮

各錢

白朮

製半夏

桔梗

白芷錢

炙甘草

五分

茵陳大黃湯

治黃疸熱閉

茵陳

錢三

梔子

大黃

錢二

茵陳五苓散

治陰黃小便不利

茵陳

白朮

茯苓

各錢

猪苓

澤瀉

各七分

游桂分五

茵陳薑附湯

治陰黃小便自利

茵陳錢一

白木錢二

附子

乾薑各五分

炙草錢一

肉桂分三

五苓散

治小便不通

茯苓錢三

猪苓

澤瀉各八分

白木錢五分

桂枝錢一

四苓散

治伏暑小便不通口即五苓散去桂枝

五皮飲

治胃經蓄水發為水腫

大腹皮

茯苓皮

陳皮

桑白皮

各一錢五分

生薑皮分八

秦朮一錢五分

治寒濕入絡肩背臂痛

秦朮一錢五分

天麻

羌活

陳皮

當歸

川芎各二錢

炙甘草五分

生薑三片

炒桑枝三錢

扶寒加桂枝

獨痺湯

治風寒濕三氣成痺

羌活

獨活各二錢

桂心五分

秦朮一錢

當歸

桑枝各二錢

川芎七分

海風藤二錢

炙甘草五分

乳香

木香各八分

桂枝湯

治太陽中風寒

桂枝

芍藥

生薑

各一錢五分

甘草

炙一錢

大棗

四枚

麻黃湯

治太陽傷寒無汗此方宜於西北

麻黃

四錢

桂枝

二錢

甘草

炙一錢

杏仁

十二枚

柴葛解肌湯

治濕熱症發熱頭痛不惡寒與傷

寒異

柴胡

一錢二分

葛根

一錢五分

赤芍

知母

各一錢

貝母

一錢

生地

一錢

黃芩

丹皮

各一錢五分

甘草

五分

大柴胡湯

治傷寒邪入太陰

柴胡

一錢五分

半夏

七分

黃芩

芍藥

各二錢

枳實

一錢

大黃

二錢

白虎湯 治陽明胃腑大熱

生石膏 錢五
知母 錢二
甘草 錢二
粳米 撮

若熱甚者倍之

調胃承氣湯 治胃熱譫語便閉繞臍硬痛

大黃 錢三
芒硝 錢二
甘草 分五

四逆湯 治少陰中寒肢冷厥逆

附子 錢五
乾薑 錢五
炙甘草 錢二

白通加豬膽汁湯 治陰盛隔陽熱藥不入

附子 錢五
乾薑 錢五
葱白 錢二
人尿 杯半

豬膽汁 五茶匙

止嗽散 治一切咳嗽

桔梗 荆芥 紫苑 百部 白前

各二斤

甘草

炒十兩

陳皮

一斤

共為末每服三錢初感風寒生薑湯下

團魚湯 治久咳將成勞瘵

川貝 知母 前胡 柴胡 杏仁

各四錢

大團魚

一個重十二兩以上者去腸

右藥與魚同煮熟取肉連汁食之將藥渣焙乾為末煮魚骨汁為丸如桐子大麥冬湯日下三服

月華丸

滋陰保肺平肝為治勞之聖藥

天冬

麥冬

生地

熟地

山藥

百部

沙參

川貝

真阿膠

各兩

茯苓

獺肝

廣三七

各五錢

用白菊花二兩桑葉二兩熬膏將阿膠化八

和藥煉蜜為丸日三服每服一丸

四生丸

治熱血妄行而為吐衄

生地黃

生荷葉

生側柏葉

生艾葉

各等

同搗極爛為丸如雞子大每服一丸水煎去

渣

生地黄湯 治腎火鑠金

生地錢^三 牛膝 丹皮 黑山桅錢^{各一} 丹參

元參 麥冬 白芍錢^{各一} 鬱金 廣三七

荷葉^{各七} 加陳墨汁清童便各半杯沖服

人參養榮湯 治氣虛榮衛不固

白芍錢^二 人參 蜜炙黃耆 當歸 白朮

熟地^{各一錢五分} 炙甘草 茯苓 遠志^{各五分} 北五味

桂心 陳皮^{各五分} 加薑一片棗二枚

百藥煎散 治咽痛

百藥煎錢^五 硼砂錢^一 甘草錢^二

共為末米飲調下

通音煎 治音瘕

白蜜斤一

川貝兩二

欵冬花兩二

胡桃肉

兩十二
去

燉皮研

右將川貝欵冬為末四味和勻飯上蒸

熱水開服

秘精丸 理脾導濕治濁固精

白朮

山藥

茯苓

茯神

蓮子肉

各二兩

芡實

兩四

蓮花鬚

牡礪

各兩五錢

黃栢

錢五

車前子

兩三

共為末金櫻膏為丸

澤蘭湯

治經閉調血脈

澤蘭錢_二

柏子仁

當歸

白芍

熟地

牛膝

羌蔚子

各錢五分

補天大造丸

治五臟虛損

人參_{二兩}

蜜黃耆

蒸白朮

各三兩

炒枣仁

當歸

山藥

茯苓

各二兩五錢

枸杞子

大熟地

各四兩

河車_{具一}

鹿角_{斤一}

龜板

八兩與鹿角共熬膏

以龜板鹿膠

和藥煉蜜為丸

普濟消毒飲

治大頭疫症喉風發癰等症

甘草

桔梗

酒芩

酒黃連

各錢

馬勃

元參

橘紅

柴胡

各五分

薄荷

六分

升麻

二分

連翹

牛蒡子

各八分

神木散

治時行不正之氣滿悶吐瀉發熱傷食

蒼朮

陳皮

厚朴

炙甘草

各一斤

藿香

砂仁

各八兩

共為末每服二三錢

治疫清涼散

治疫邪入裏脹悶譫狂諸症

秦艽

赤芍

知母

貝母

連翹

各一錢

荷葉

七分

丹參

五錢

柴胡

一錢五分

人中黃

二錢

葛根

治痢初起赤白皆效

葛根

一錢五分

酒炒苦參

八分

陳皮

赤芍

陳松蘿茶

炒麥芽

山楂

各二錢

右為細末煎服有火者加川連五分

治痢奇方 治暑痢

川連六分 酒苓 厚朴 歸身 白芍各一錢五分

山查三錢 甘草五分 桃仁 青皮 紅花各八分

枳壳 地榆各錢 檳榔一錢二分

如白痢加木香六分

朴黃丸 治堅積作痢腹痛拒按

陳皮 厚朴各十兩 大黃一斤四兩 廣木香四兩

荷葉水為丸

補中益氣湯 中氣下陷以此升之

黃耆一錢五分

牛炒白朮

人參 當歸

炙草

錢各一

柴胡

升麻各三分

陳皮五分

加生薑一片大棗二枚

開噤散

治噤口痢

人參

薑汁炒黃連各五分

石菖蒲七分 丹參二錢

石蓮子

茯苓

陳皮

冬瓜仁

去壳各一錢五分

陳米

撮

荷葉蒂

二個

止瘧丹

治瘧二三發後以此止之

火酒炒常山

草果仁去壳

半夏薑炒

香附

米酒炒

青皮醋炒各四兩

真六神曲十二兩為末用

米飲糊丸清晨面東服

和中丸 治腹脹食積

土炒白朮兩四

炒扁豆兩三

茯苓

砂仁

各兩

半夏一兩 薑炒

麩炒枳實

炒神曲

炒麥芽

炒山查

薑汁炒香附

丹砂

酒蒸

陳皮

五穀蟲炒焦黃色

右為末荷葉一枚煎水為丸

白朮丸 治氣虛中滿

白朮

茯苓各二兩

砂仁

神曲

各二兩

五穀蟲兩四

用荷葉老葉煎水為丸

金匱腎氣丸

治腎經聚水

此即六味丸加附桂

車前牛膝

大熱地

八兩

山藥

四兩

山萸肉

丹皮

澤瀉

車前子

牛膝

各二兩

茯苓

六兩

肉桂

一兩

附子

一兩

如水腫用五加皮八兩煎水煉蜜為

丸

筆花醫鏡卷之二

浙江歸安江涌墩筆花著

河南睢陽謝菊坪全校字

心部

手少陰屬臟

心體屬火位南方色現赤胸下岐骨陷處其部位也
凡額上手足心皆其所轄得血以養之方能運慧思
用才智

○心無表症皆屬於裏

○心之虛血不足也脈左寸必弱其症為驚悸為不

得卧為健忘為虛痛為怔忡為遺精

驚悸者惕惕然恐神失守也七福飲秘旨安神

丸主之

不得卧者思慮太過神不藏也歸脾湯安神定志

丸主之

健忘者心腎不交神明不充也歸脾湯十補丸主

之

虛痛者似饑似飽似手撫心喜得手按洋參麥冬

湯主之

怔忡者氣自下逆心悸不安歸脾湯主之

遺精者或有夢或無夢心腎不固也清心丸十

補丸主之

●心之竅邪入之也心不受邪其受者胞絡耳脈左寸必弦而大其症為氣滯為血痛為停飲為痰迷為暑閉為蟲嚙

氣滯者或食脹或怒冲煩悶而痛沉香降氣散主之

血痛者血凝於中痛有定處轉側若刀針刺手拈散主之

停飲者乾嘔吐涎痛作水聲小半夏加茯苓湯

主之如有欬痰則加蒼朮名倒倉法

痰迷者頑痰壅閉不省人事清膈煎灌之

暑閉者汗喘昏悶先以消暑丸灌之再用香薷

飲加益元散

蟲蠱者飢時作痛面白唇紅化蟲丸主之

心之寒脈左寸必遲其症為暴痛

暴痛者肢冷氣冷絲絲不休薑附湯加肉桂主

之

心之熱火迫之也脈左寸必數舌尖赤其症為目
痛為重舌木舌為煩躁為不得臥為癩狂為謔語

為赤濁為尿血

目痛者赤腫羞明導赤散加連翹菊花蟬蛻主之

重舌木舌者瀉心丸主之

煩躁者瀉心丸加竹捲心主之

不得卧者暑熱乘心也導赤散加益元散主之

癩狂者棄衣罵詈生鐵落飲主之

譫語者邪熱攻心也瀉心丸主之

赤濁者草薢分清飲加燈心丹參主之

尿血者阿膠散主之

心部藥隊

補心猛將 北五味

補心次將 棗仁 柏子仁 遠志 丹參 龍眼

麥冬 當歸 白芍 茯神

瀉心猛將 石菖蒲 黃連 木通 硃砂 犀角

瀉心次將 山梔仁 連翹心 通草 車前子

竹捲心 燈心 蓮子心

心部列方

七福飲 治心血虛而驚悸者

人參 熟地 各三錢

當歸

棗仁 各二錢

白朮 炒一錢

炙甘草 一錢

遠志 五分

秘旨安神丸 治驚悸神魂失守者

人參 棗仁 茯神

製半夏 各二錢

當歸

炒白芍 橘紅 各一錢

五味子 十粒

炙草 五分

生薑 片三

歸脾湯 養血安神

人參 白朮 當歸

白芍 棗仁 各一錢

五分

黃耆半錢

遠志七分

炙草五分

元眼肉枚五

安神定志丸

治心惕不卧

茯苓

茯神

人參

遠志

各一兩

石菖蒲

龍齒

各五分

蜜為丸以辰砂為衣每服二錢

十補丸

治氣血大虧之症

黃耆

白朮

黃肉

杜仲

續斷

棗仁

各二兩

大熟地

三兩

人參

當歸

白芍

遠志

各一兩

茯苓

山藥

各一兩

北五味

龍骨

牡蠣

各七錢五分

洋參麥冬湯

治心經虛熱而痛者

洋參

麥冬

當歸

錢各二

生地

錢二

白芍

丹參

釵石斛

各一錢五分

犀角

甘草

各五分

清心丸

清心火止夢泄

生地兩

丹參兩

黃柏

錢五

牡蠣

山藥

炒棗仁

茯苓

茯神

麥冬

錢兩

北五味

車前子

遠志

各兩

用金櫻膏為丸每服三錢

沉香降氣散

治氣滯心痛

沉香

錢三

砂仁

錢七

藜蘆

錢五

鹽水炒香附

錢五

酒炒元胡索

附一

煨淨川棟子

附一

共為末每服二錢飲薑湯下

清酒煎 治寒熱心痛

製屠是錄

白芥子錢二

海石錢三

陳皮

木通

川貝錢二

化毒丸

治癰毒心腹諸痛

藥丸

白芫錢二

各錢三

栝榔五分

雄黃五分

木香

白朮

陳皮錢三

炒神曲錢四

以百部二兩熬膏糊丸每服一錢五分米飲

下

薑附湯

治寒厥心痛

又真心痛手足青至節宜

用本方大劑飲之或救十中之一二痛而喜按者
更加人參

乾薑

熟附子

各三錢

水煎服

導赤散

治熱閉小便不通

麥冬

三錢

木通

一錢

生地

三錢

甘草

四分

竹葉

十片

車前

赤茯苓

各一錢五分

瀉心丸

治心火

川黃連五錢為末燈草湯下

生鐵落飲

治心熱癩癩

天冬

麥冬

川貝

各三錢

膽星

橘紅

各一錢

遠志 石菖蒲 連翹 茯苓 茯神各一錢

元參 鈎藤 丹參各一錢五分 辰砂三分

用生鐵落煎熬三柱線香取此水煎服

草薺分清飲 治心移熱膀胱而為赤濁者并治諸

淋

川草薺錢二 炒黃柏 石菖蒲各五分 茯苓

白朮各一錢 蓮子心七分 丹參 車前子各一錢五分

阿膠散 治尿血

阿膠錢一 丹參 生地各二錢 黑山梔 血餘

丹皮 麥冬 當歸各八分

手拈散

以下俱見
首卷方

小半夏加茯苓湯

消暑丸

香薷飲

益元散

肝部

足厥陰屬肝

肝與膽相附東方木也其性剛賴血以養自兩脇以下及小腹陰囊之地皆其部位最易動氣作痛其風又能上至巔頂而痛於頭色屬青常現於左顴目眦於婦人為尤甚

○肝無表症皆屬於裏

○肝之虛腎水不能涵木而血少也脈左關必弱或空大其症為脇痛為頭眩為目乾為眉稜骨眼眶痛為心悸為口渴為煩躁發熱

脇痛者血不營筋也四物湯主之

頭眩者血虛風動也逍遙散主之

目乾者水不養木也六味地黄丸主之

肩稜骨眼睚痛者肝血虛見光則痛逍遙散主

之

心悸者血少而虛火煽也七福飲主之

口渴者血虛液燥也甘露飲主之

煩躁發熱者虛火亢也六味地黄丸主之

肝之實氣與內風充之也脈左關必弦而洪其症

為左脇痛為頭痛為腹痛小腹痛為積聚為疝氣

為咳嗽為泄瀉為嘔吐為呃逆

左脇痛肝氣不和也柴胡疎肝散瓜薑散並主之

頭痛者風熱也清空膏主之或柴胡疎肝散

腹痛者肝木乘脾也芍藥甘草湯主之

小腹痛者癥瘕之氣聚也奔豚丸主之有熱者去附桂

積聚者肝積在左脇下名曰肥氣和中丸加柴胡龍田青皮莪朮主之

疝氣者氣結聚於下也橘核丸主之寒則加吳

茱萸肉桂

咳嗽者木火刑金也止嗽散加柴胡枳壳赤芍

主之

泄瀉者木旺剋土也四君子湯加柴胡木香主之

嘔吐者木火凌胃也二陳湯加炒黃連主之

呃逆者氣鬱火衝也橘皮竹茹湯主之

肝寒之症脈左關必沉遲其症為小腹痛為疝瘕為囊縮為寒熱往來

小腹痛者寒結下焦也煖肝煎奔豚丸主之

疝瘕者寒氣結聚也橘核丸加吳茱萸肉桂主之

囊縮者寒主斂故縮也奔豚丸四逆湯主之
寒熱往來者欲化瘧也小柴胡湯主之

肝熱之症脈左關必弦數其症為眩暈為目赤腫
痛為口苦為消渴為頭痛為脇痛為癩癧為聾聵
為筋痿拘攣為氣上衝心為偏墜為舌捲囊縮為
小便不禁

眩暈者風熱上升也逍遙散主之

目赤腫痛者風熱入目也蟬花無比散主之

口苦者膽味苦肝熱膽亦熱也小柴胡湯主之
消渴者風燥其液也一柴胡飲主之

頭痛者火上衝也柴苓煎主之

脇痛者肝火鬱也柴胡疎肝散加瓜蒌霜主之

在金丹亦可

燥癢者血燥筋急而生也消癩丸主之兼服逍

遙散

聾耳者風熱相搏津液凝聚而癢痛也逍遙散

去白朮加荷葉木耳貝母香附菖蒲主之

筋痿拘攣者血氣熱也五癩湯加黃芩丹皮牛

膝主之

氣上衝心者火逆也柴苓煎主之甚則小承氣湯

偏墜者熱而罌丸舒縱也柴胡疎肝散主之
舌捲囊縮者邪入厥陰血涸也大承氣湯主之
小便不禁者肝氣熱陰挺失職也逍遙散主之
肝部藥隊

補肝猛將

枸杞

北五味

烏梅

補肝次將

山茱萸

兔絲子

首烏

當歸

沙苑藜

白芍

鱉甲

龍骨

牡蠣 木瓜

瀉肝猛將 鬱金 桃仁 青皮 莪朮 沉香

瀉肝次將 香附 木香 延胡索 柴胡 山梔

川芎 川棟子 赤芍藥 瓜蒌壳

白蒺藜 陳佛手 勾藤

涼肝猛將 龍膽 胡黃連

涼肝次將 羚羊角 夏枯草 石決明 青蒿

菊花

溫肝猛將 肉桂 桂枝 吳茱萸 細辛 胡椒

骨碎補

温肝次將

兔絲子

艾葉

山茱萸

茴香

肝部列方

甘露飲 治血虛胃熱

枇杷葉 生地 熟地 天冬 麥冬 黃芩

石斛錢各一 甘草分五 枳壳分八

柴胡疎肝散 治肝氣左脇痛

柴胡 陳皮各一分 川芎 赤芍 枳壳

醋炒香附錢各一 炙草分五

瓜蒌散 治肝氣燥急而脇痛

大瓜蒌一枚連皮搗 甘草錢二 紅花分七 水煎服

清空膏 治肝經風熱久升為頭痛

羌活

防風各六分

柴胡

五分

黃芩

一分錢

川芎

四分

炙草

一錢

薄荷

三分

酒炒黃連

六分

芍藥甘草湯

治木侮土而腹痛

酒炒白芍

三錢

炙甘草

一分錢五分

奔豚丸

治小腹氣結作痛

川棟子

一兩

茯苓

橘核

各一兩五錢

肉桂

三錢

附子

吳茱萸

各五錢

荔枝核

八錢

小茴香

木香

各七錢

橘核丸

通治七疝

鹽酒炒橘核

二兩

小茴香

川棟子

桃仁

醋炒香附 山查各一 木香 紅花各五

以神曲三兩打糊為丸

二陳湯 治胃經寒痰

半夏 茯苓 陳皮各一 炙草分五 生薑片三

大棗枚二

橘皮竹茹湯 治氣鬱火衝呃逆

陳皮錢二 竹茹團一 半夏 人參 甘草錢各一

煖肝煎 治肝腎陰寒小腹疼痛疝氣

當歸 枸杞錢各三 茯苓 小茴香 烏藥錢各二

肉桂 沉香錢各一 加薑三片

蟬花無比散

治目赤腫痛

蟬蛻二兩

羌活一兩

川芎

石決明

防風

茯苓

赤芍

各一兩

白蒺藜

八兩

炙甘草

當歸

各三兩

米泔浸蒼木

一兩

為末開水服

一柴胡飲

治外有邪而內有火及肝燥胃渴

生地

三錢

白芍

二錢

黃芩

一錢

柴胡

陳皮

炙甘草

五分

柴胡黃芩煎

治內火上衝或為痢瘧頭痛諸症

柴胡

二錢

黃芩

梔子

澤瀉

各一錢

錢

木通

枳殼

各一錢

左金丸 治肝氣痛

川黃連 錢一

吳茱萸 分六

消瘰丸 治瘰癧初起即散久服亦消

蒸元參 醋煨牡蠣 蒸川貝母 兩各四

蜜為丸每服三錢

五痿湯 治五臟受熱而痿

人參 白朮 茯苓 各錢一

炙草 分四

當歸 錢一

苡仁 錢三

麥冬 錢二

黃柏

知母 各五分

四物湯 以下俱見首卷方

逍遙散

六味地黃湯

和中丸

止嗽散

四君子湯

小柴胡湯

四逆湯

大承氣湯

七福飲 見心部方

脾部

足太陰屬臟

脾屬土中央黃色後天之本也下受命門之火以蒸化穀食上輸穀食之液以灌溉臟腑故人生存活之原獨脾土之功為最大然其性喜燥而惡濕一受濕漬則土力衰而肝木即乘以侮之位中焦眼胞鼻準及四肢皆其分野與胃相表裏故其藥略同

○脾無表症皆屬於裏

○脾虛者右關脈必細軟其症為嘔吐為泄瀉為久痢為腹痛為肢軟為面黃為發腫為肌瘦為鼓脹

為惡寒為自汗為喘為積滯不消為飲食化痰為
脫肛為腸血

嘔吐者中空也六君子湯加煨薑主之

泄瀉者土不勝濕也五味異功散加木香主之

久痢者氣虛下陷也補中益氣湯主之

腹痛者肝木乘脾也芍藥甘草湯加木香主之

肢軟者脾屬四肢也五味異功散主之

面黃者本色虛現也六君子湯主之

發腫者皮不亮手按成窟補中益氣湯去升麻

柴胡主之

肌瘦者脾主肌肉也十全大補湯主之

鼓脹者中空無物氣虛也六君子湯主之

惡寒者陽虛不達於表也附子理中湯主之

自汗者脾主肌肉表虛不攝也五味異功散加

黃耆五味主之

喘者土不生金也五味異功散加北五味牛膝

主之

積滯不消者化穀無力也六君子湯加穀芽砂

仁肉桂主之

飲食化痰者土不勝濕也六君子湯主之

脫肛者氣虛下陷也補中益氣湯主之

腸血者脾不統血也歸芍六君子湯主之

脾實者右關必洪實其症為氣積為血積為食積

為痞積為蟲積為痰飲為蠱脹為腹痛為不能食

氣積者氣鬱發悶也沉香降氣丸主之

血積者蓄血作痛如刺有定處也澤蘭湯主之

食積者堅滯脹滿也大和中飲主之

痞積者血滯成痞按之瘕瘕癖可按也太無神功

散和中丸主之

蟲積者濕熱所化也唇內有白點化蟲丸主之

痰飲者或停心下伏兩腋有聲咳則痛小半夏
加茯苓湯主之

蠱脹者中實有物非蟲即血也和中丸主之
腹痛者中有滯也香砂二陳湯和查茅厚朴主
之

不能食者食未消也保和丸主之

○脾寒之症右關必沉遲唇舌必白其症為嘔吐為
泄瀉為白痢為腹痛為身痛為黃疸為濕腫為肢
冷為厥脫

嘔吐者食不消而反胃也平胃散主之

泄瀉者土失職也六君子湯加泡薑主之

白痢者積寒傷氣也六君子湯加木香主之

腹痛者絲絲不滅香砂理中湯主之如按食拒

按木香丸

身痛者拘急為風重墜為濕風用香蘇散濕用

蒼朮二陳湯

黃疸者土為濕制有陰寒之象薰黃色黧茵陳

五苓散

濕腫者不煩渴喜熱五苓散主之

肢冷者陽氣不營於四肢也附子理中湯主之

厥脫者氣衰火息也附子理中湯加大劑人參
主之

脾熱之症右關必數舌苔薄而黃唇赤其症為熱
吐為流涎為洞泄為瀉勃為赤痢為腹痛為目胞
腫痛為酒疸為眩暈為陽黃疸

熱吐者食不得入也橘皮竹茹湯加薑汁炒黃
連主之

流涎者睡中出沫脾熱蒸濕也黃芩芍藥湯主
之

洞泄者暑濕勝土一泄如注也四苓散加益元

散主之

瀉渤者暑濕內搏利如蟹渤將變痢也黃芩芍

藥湯主之

赤痢者暑熱傷血也治痢奇方主之或葛根治

痢散噤則開噤散

腹痛者乍作乍止芍藥甘草湯加黃連清之

月胞腫痛者火上升也柴芩煎主之

酒疸者酒濕積而為疸也加味枳朮湯加茵陳

葛根主之

眩暈者酒濕生熱上蒸也葛花清脾湯主之

陽黃疸者黃如橘皮有光目溺皆黃梔子蘘皮
湯主之如便閉茵陳大黃湯

脾部藥隊

補脾猛將

白朮

黃精

補脾次將

山藥

扁豆

苡仁

大棗

炙甘草

瀉脾猛將

枳實

萊菔子

瀉脾次將

神曲

麥芽

山楂

枳殼

厚朴

大腹皮

使君子

白芷

雞內金

陳皮

檳榔

涼脾猛將

大黃

黃芩

瓜蒌霜

溫脾散

黃柏

山梔

知母

銀花

武夷茶

溫脾散

附子

荳蔻

巴豆

肉荳蔻

草果

蒼朮

胡椒

溫脾散

木香

檳榔

烏藥

藿香

益智仁

砂仁

白蔻仁

燕窩

焦穀芽

川椒

脾部列方

歸芍六君子湯 治脾陰虛弱下血

歸身

白芍

各二錢

人參

白朮

茯苓

各一錢五分

陳皮

半夏

各一錢

炙草

五分

大和中飲

治食積脹悶

枳實

一錢

厚朴

五分

麥芽

查炭

各二錢

陳皮

一錢

砂仁

八分

澤瀉

一錢

太無神功散

治一切痞積

地扁蓄

瞿麥穗

麥芽

各五錢

神曲

五分

沉香

木香

各一錢

五分

炙草

五分

酒蒸大黃

二兩

共為末每服二三錢燈心竹葉湯下女人紅
花當歸湯下

香砂二陳湯 治脾滯腹痛

木香錢一 砂仁錢一 製半夏 陳皮 茯苓

炙草各錢五分 加生薑一片大棗二枚

蒼白二陳湯 治受濕身痛 即前方去木香砂仁

加蒼朮白朮各一錢

保和丸 治傷食

麥芽 山楂 萊菔子 厚朴 香附各錢一

炙草 連翹各五分 陳皮錢一五分 水煎服亦可

香附理中湯 治脾寒腹痛

木香錢一 砂仁錢一 人參 白木各二錢 乾薑

炙草各一錢

木香丸 治寒積腹痛拒按名曰陰結

木香 丁香各一分 乾薑三錢 炒麥芽五錢

凍皮三錢 巴豆三十粒

以神曲煮糊為丸每服十九

黃芩芍藥湯 治脾熱流涎利如蟹渤等症

黃芩 白芍各二錢 生甘草一錢

四苓散 治伏暑泄瀉

白朮 猪苓 木通各一錢 赤苓二錢 車前

澤瀉各二錢 水煎用益元散三錢冲服

加味枳米湯 治酒疸濕熱發黃

白朮二錢 枳實 陳皮 麥芽 山楂 茯苓

神曲 連翹各一錢 茵陳 荷葉各一錢五分

澤瀉分五 和傷酒加葛根一錢

葛花清脾湯 治酒濕生熱生痰頭眩頭痛

葛花一錢 枳椇子三錢 赤苓三錢 澤瀉 茵陳

酒苓各二錢 山梔 車前子各一錢五分 甘草五分

橘紅 厚朴各一錢

梔子蘂皮湯

治鬱熱在裏而發黃疸名曰陽黃

梔子三錢

黃柏二錢

茯苓二錢

六君子湯

五味異功散

補中益氣湯

十全大補湯

附子理中湯

澤蘭湯

和中丸

小半夏加茯苓湯

平胃散

香蘇散

再春散

茵陳五苓散

益元散

葛根湯

治痢奇方

開禁散

以上諸方俱見

沉香降氣丸

化毒丸

二方見心部

芍藥甘草湯

橘皮竹茹湯

柴苓煎

三方見肝部

肺部

手太陰屬臟

肺主氣屬西方而色白其形如華蓋為諸陽之首凡
聲之出入氣之呼吸自肺司之其性嬌嫩故與火為
仇其體屬金而畏燥故遇寒亦咳凡目白及右頰鼻
孔皆其分野然肺氣之衰旺關乎壽命之短長全恃
腎水充足不使虛火燦金則長保清寧之體而壽臻
永固

肺有裏症亦有表症肺主皮毛故也邪在表右寸
脈必浮其症為發熱為噴嚏鼻塞為咳為嗽為畏

風為胸滿痛為喉疼為鼻燥為傷暑風為中時疫
發熱者腠理閉也香蘇散主之

噴嚏鼻塞者肺竅受邪也二陳湯加蘇葉生薑
主之

咳者無痰而有聲氣為邪遏也桔梗前胡湯主
之

嗽者有聲而有痰液已化痰也止嗽散主之
喘者風寒閉塞也加味甘桔湯主之

畏風者邪在皮毛也香蘇散主之

胸滿痛者氣鬱而脹也加味甘桔湯主之

喉疼者邪化火而內熖也加味甘桔湯主之
鼻燥者邪化火而液乾也貝母瓜蒌散主之

傷暑風者惡寒頭痛而煩渴香薷飲加荆芥秦
芫主之

中時疫者初頭痛發熱漸嘔噦胸滿或脹悶譫
狂唇焦口渴先用香蘇散次則神朮散又治
疫清涼散便閉加大黃

肺虛之症右寸脈必細其症為自汗為咳嗽為氣
急為咯血為肺痿為虛勞

自汗者氣虛表不固也八珍湯加黃耆北五味

麥冬主之

咳嗽者肺虛不寧也五味異功散主之

氣急者金不生水而虛火上炎也知柏八味丸

主之

咯血者陰虛動火也初用四生煎煎用生地黃

湯

肺痿者火刑金而葉焦也五痿湯加天冬百合

主之或紫苑散入參煎膏百合湯亦可

虛勞者吐血而成月華丸歸脾湯六味地黃湯

並主之

○肺實之症脈右寸必有力其症為氣閉為痰閉為暑閉為水閉發喘為風閉為火閉為咽痛為右脇痛為肺癰

氣閉者氣壅塞其絡而滿悶也加味甘桔湯主之

痰閉者頑痰壅塞也清膈煎主之

暑閉者暑邪中肺而煩渴也消暑丸加香薷木通主之

水閉發喘者胃經蓄水作腫而浸肺也五皮飲主之

風閉者風鬱於肺而哮喘也麻黃湯主之

火閉者火鬱於肺而喘脹也白虎湯加桑皮葶

蘇主之

咽痛者諸閉皆能作火也加味甘桔湯主之

右脇痛者肝移邪於肺也推氣散主之

肺癰者隱隱而痛吐痰腥臭也桔梗湯主之

○肺寒之症外感居多脈右寸必澀其症為清涕為咳嗽為惡寒為面色痿白

清涕者寒搏其液也二陳湯加蘇梗主之

咳嗽者金畏寒也止嗽散主之

惡寒者陰忌其類也香蘇散主之

面色痿白者寒傷正氣也六君子湯主之

肺熱之症脈右寸必數其症為目赤為鼻衄為咽
痛為吐血為咳嗽濃痰為酒積為龜胸為小便不
利為便血

目赤者火剋金也瀉白散加黃芩菊花連翹主
之

鼻衄者血熱妄行也茜根湯主之

咽痛者火逼咽道也加味甘桔湯主之

吐血者火動其血也四生散犀角地黄湯主之

咳嗽濃痰者火刑金而灼肺液也黃芩知母湯
主之

酒精者鼻赤鼻蒼濕熱內蒸也黃芩清肺飲加
葛花主之

龜胸者肺熱而脹也白虎湯主之

小便不利者火燥金而化源窒也黃芩清肺飲
加鹽豉主之

便血者肺與大腸相表裏火迫血行也芍藥甘
草湯加黃芩丹皮生地主之

肺部藥隊

補肺猛將

黃耆

人參

補肺次將

黨參

百合

沙參

燕窩

阿膠

瀉肺猛將

懷山藥

訶子

麥冬

冰糖

葶藶

麻黃

白芥子

桔梗

升麻

膽星

瀉肺次將

蘇子

牛蒡

杏仁

前胡

紫苑

涼肺猛將

桑白皮

殭蠶

竹茹

貝母

石膏

黃芩

竹瀝

馬兜鈴

山慈菇

涼肺次將

洋參

元參

山梔

花粉

天冬

地骨皮

知母

麥冬

薄荷

海石

溫肺
猛將

麻黃

天南星

北五味

溫肺
次將

蘇梗

款冬花

製半夏

生薑

肺部列方

桔梗前胡湯治肺氣閉塞悶咳

桔梗錢一 前胡 蘇子 赤芍 桑白皮炙

陳皮各一錢五分 杏仁三錢 薑汁炒竹茹一錢

生甘草五分

加味甘桔湯 治肺鬱哮喘等症

甘草五分 桔梗 川貝 百部 白前 橘紅

旋覆花 茯苓各一錢五分

貝母瓜蒌散 治肺熱液乾

貝母二錢 瓜蒌仁一錢五分 膽星 黑山梔各五分

黃芩 橘紅 炒黃連各一 甘草五分

知柏八味丸 滋水降火

知母 黃柏各一分錢 大熟地錢四 萸肉

山藥 茯苓各一分錢 丹皮 澤瀉各一

紫苑散 潤肺止咳並治肺痿

人參五分 紫苑 知母 川貝 桔梗 茯苓

阿膠各一 五味子 炙草各三分

人參燕窩百合湯 潤肺清金

人參一錢 沙參二三錢代之 燕窩錢三 百合錢五

共燉爛食之

推氣散 治右脇氣痛

枳壳

鬱金

各一錢

桂心

炙草

各五分

桔梗

陳皮

各八分

生薑

片二

大棗

枚二

桔梗湯

治肺癰

桔梗

白菝

橘紅

炒甜葶藶

各八分

甘草

貝母

各一錢五分

苡仁

金銀花

各五錢

瀉白散

治肺熱

蜜炙桑白皮

錢二

地骨皮

錢三

茜根湯

治衄血神煩

茜根

黃芩

阿膠

側柏葉

生地

各二錢

甘草錢一

犀角地黄湯

治血熱妄行及癍疹

犀角尖

錢先煎

丹皮

麥冬

白芍

各一錢五分

生地錢四

黃芩知母湯

治火嗽煩熱

黃芩

知母

桑白皮

杏仁

天花粉

山梔

川貝

桔梗

生甘草

各一錢

黃芩清肺飲

治肺熱小便不利

梔子錢二

黃芩錢一

香蘇散

止嗽散

香薷飲

神朮散

八珍湯

治疫清涼散 五味異功散 生地黄湯 月華丸

六味地黄湯 消暑丸 五皮飲 麻黃湯

六君子湯 四生丸 白虎湯 以上諸方俱見首卷

歸脾湯 清膈煎 二方見心部

二陳湯 五癩湯 芍藥甘草湯 三方見肝部

腎部

足少陰屬臟

腎者天一之水。先天之本也。位北方。故黑。其體常虛。處腰左右。介其中者。有命門火。蒸化穀食。名曰真陽。腎水充足。自多誕育。享大壽。凡夙夜宣勞。毫不倦者。皆腎氣之固也。好色之流。先竭腎水。喪其本矣。瞳神下頰兩腰。皆其部位。望氣者視之。

○腎無表症。皆屬於裏。

○腎之虛。脈左右尺常細軟。其症為頭痛。為耳鳴。為耳聾。為盜汗。為夜熱。為健忘。為咳嗽。為喘。為吐血。

為腰痛為腿痠足軟為目視無光
大便結為小便不禁為戴陽為久痢久瘧

頭痛者血不能充髓海也六味地黃丸主之

耳鳴者血虛火旺也六味地黃丸加牛膝知母主之

耳聾者虛閉也六味地黃丸加枸杞人參石菖蒲遠志主之

盜汗者虛熱也生地黄煎八珍湯加黃耆北五味並主之

夜熱者虛火也四物湯加丹皮地骨青蒿主之

健忘者心腎不交也歸脾湯十補丸主之

咳嗽者虛火燥金也六味地黄丸加白蜜胡桃

主之

喘者水虧火炎也知柏八味丸主之

吐血者血虛血熱也生地黃湯主之

腰痛者水不足也六味地黄丸加杜仲川續斷

主之

腿痠者足軟者血木營筋也十全大補湯主之

目視無光者水不足也六味地黄丸主之

大便結者血虛液枯也六味地黄丸加白蜜胡

桃主之。

小便不禁者腎氣不約也十補湯主之

戴陽者陰火上升陰躁似陽躁也金匱腎氣丸

主之

久病久瘵者脾腎皆虛也王母桃主之

腎無實症

腎之寒腎之虛也脈左右尺必遲沉其症為命門
火衰為不欲食為雞鳴泄瀉為天柱骨倒為膝卧
厥冷為奔豚

命門火衰者虛象百出左歸飲右歸飲主之

不欲飲食者火力微也八味地黃丸主之

雞鳴泄瀉者腎虛也加味七神丸主之

天柱骨倒者腎脈空也右歸飲主之

膝卧厥冷者火衰也右歸飲理中湯並主之

奔豚者腎氣上衝也奔豚丸主之

腎之熱水將涸也傷寒門有之而雜症罕見左尺

右尺必沉數或浮而空舌黑無液其症為口燥咽

乾為目不明為小便不利為小便濁為小便出血

為大便秘

口燥咽乾者水涸也大承氣湯主之

目不明者目無血養也知柏八味丸主之

小便不利者水少也滋腎丸主之

小便濁者濕熱結於下焦也萹薢分清飲主之

小便出血者腎水熱也生地黃湯主之

大便秘者液涸也大承氣湯主之

腎部藥隊

補腎猛將

熟地

枸杞

淫羊藿

北五味

補腎次將

生地

巴戟天

首烏

杜仲

龜板

女貞

鱘豆皮

海參

瀉腎猛將

猪苓

瀉腎次將

澤瀉

知母

赤苓

苡仁

涼腎猛將

朴硝

元明粉

苦參

涼腎次將

生地

丹皮

知母

滑石

溫腎猛將

破故紙

鹿茸

鹿角膠

溫腎次將

山茱萸

兔絲子

大茴香

艾葉

腎部列方

生地黃煎 治陰火盜汗

生地 當歸 炙黃芪 麻黃根 浮小麥

炙草 黃連 黃芩 黃柏各一錢 水煎服

王母桃 培補脾腎

炒冬白朮 大熟地各二兩 何首烏 炒巴戟

枸杞子各一兩 共為細末煉蜜為丸如圓眼大

每用三四丸饑時服

左歸飲 壯水之劑

熟地五錢 山藥 枸杞各二錢 茯苓一錢五分

山茱萸 棗草 錢各一

右歸飲 補命門真火不足

熟地 錢五 山藥 枸杞 杜仲 錢各二

山茱萸

肉桂 製附子 炙甘草 錢各一

八味地黃丸 治命門火衰

製附子 肉桂 錢各一 大熟地 錢四 山藥

黃肉 茯苓 錢各一 丹皮 澤瀉 錢各一

加味七神丸 治腎虛難鳴泄瀉

肉苳菴 吳茱萸 廣木香 錢各一 蒸茯苓

補骨脂 炒 鹽酒 車前子 蒸 各二兩 土炒白朮 四兩

大棗煎湯為丸每服三錢

滋腎丸 治下焦血熱用此滋陰化氣

黃柏

知母各二兩

肉桂錢

煉蜜為丸

六味地黃湯

八珍湯

四物湯

十全大補湯

歸脾湯

生地黃湯

金匱腎氣丸

理中湯

大承氣湯

以上諸方俱見首卷

十補丸

草薢分清飲

二方見心部

奔豚丸

見肝部

知柏八味丸

見肺部

胃部

足陽明屬腑

胃屬中土司受化穀食經云得穀者昌失穀則亡其能受與否生死係焉其性與脾同而畏木侮舌之中及牙牀并環唇口而交人中皆其分野色現黃

○胃為陽明有經有腑故有表症右關脈必浮傷寒邪入陽明經其症為目痛鼻乾唇焦嗽水不欲飲若他表症為面浮腫而痛為癍疹

目痛鼻乾唇焦者邪熱作火也葛根湯主之
面浮腫而痛者風也葛根湯主之

癰疹者邪熱所化也葛根湯加芍藥子主之

○胃之虛其唇必白脈右關必軟弱其症為吐為噎
膈為不能食為胃脘痛為停滯為濕腫為痰為噎

雜

吐者土虛木侮也香砂六君子湯加柴胡主之
噎膈者胃脘乾稿也上脘稿能飲水而食難進
下脘稿食可入而久復出啟膈散主之佐以
四君子湯有鬱則逍遙散

不能食者胃氣虛而難受也六君子湯主之
胃脘痛者心悸怔忡喜按歸脾湯或四君子加

柴胡木香

停滯者土虛不化也枳朮丸主之

濕腫者土木勝濕也香砂六君子湯主之

痰者土衰濕化也六君子湯主之

嘈雜者躁擾不寧得食暫已氣促食少中虛挾

痰也五味異功散主之

○胃之實脈右關必洪按胸則痛其症為結胸為痞
氣為食積為痰飲為水腫為胸脹悶為胸脹痛為
胸痛嘔脹為不得臥為便閉譫語發狂

結胸者傷寒下早邪熱結聚也大小陷胸湯主

之。

痞氣者脾之積在胃脘腹大如盤和中丸加厚
枳主之。

食積者脹痛拒按也保和丸主之。

痰飲者咳則痛轉側有聲小半夏加茯苓湯主
之外臺茯苓飲尤效。

水腫者先腫後喘或腫而不喘胃經蓄水也五
皮飲主之甚則金匱腎氣丸。

胸脹悶者積滯也保和丸主之。

胸脹痛者蓄血也澤蘭湯主之。

胸痛嘔膿者胃脘癰也。不必治而自愈。

不得卧者胃不和則卧不安也。二陳湯加砂仁主之。

○ 便閉譫語發狂者胃有燥矢也。大承氣湯主之。
胃之寒唇舌必白脈右關必沉遲其症為胃脘痛。
為嘔吐為霍亂為吞酸咬腐。

胃脘痛者肢冷氣冷絛絛不休薑附湯加肉桂
主之。如吐蚘加川椒烏梅川連焦朮川棟子。
嘔吐者食入復出也。平胃散加煨薑砂仁主之。
霍亂者寒濕傷胃也。和胃飲主之。

春酸噯腐者寒不消食也香砂二陳湯主之

○胃之熱唇舌紅白其脈右關必洪數其症為三消
為嘈雜為吐血為齒痛為黃胖面腫為自汗為舌
黑燥渴為發癍疹為便閉為呃逆為頭痛

三消者燥熱結聚也口渴清水為上消二冬湯
主之消痰易飲為中消生地八物湯主之口
渴小便如膏為下消六味地黃湯加生脈散
主之

嘈雜者煩擾不安口燥唇焦痰火為患也二陳
湯加山梔黃連主之

吐血者胃火迫血妄行也白虎湯主之

齒痛者陽明有餘少陰不足也玉女煎主之

黃胖面腫者濕熱也和中丸主之

自汗者熱而蒸溽也抽薪飲主之

舌黑燥渴者胃火熾甚也白虎湯主之

發癍疹者火鬱而化也初用葛根湯加牛蒡子

以散之次用犀角大青湯加石膏或三黃解

毒湯甚則白虎湯調胃承氣湯

呃逆不止者胃火上衝也安胃飲主之

頭痛者頭筋扛起胃火上衝也加味升麻湯主

之

胃部藥隊

補胃猛將

白朮

黃耆

大棗

補胃次將

扁豆

山藥

炙甘草

龍圓

紅棗

瀉胃猛將

石菖蒲

枳實

雷丸

白芥子

萊菔子

神曲

瀉胃次將

蘇梗

枳壳

蔓荊子

麥芽

涼胃猛將

石膏

犀角

涼胃次將

花粉

葛根

香薷

石斛

草薺

知母

蘆根

竹葉

温胃猛將

乾薑

高良薑

益智仁

肉豆蔻

温胃次將

草果

丁香

木香

胡椒

辛夷

藿香

砂仁

白蔻仁

半夏

烏藥

煨薑

厚朴

川椒

胃部列方

枳朮丸 除脹消食

炒枳實

兩一

炒白朮

兩二

大陷胸湯

服小陷胸湯不效以此治之

大黃

錢六

芒銷

錢四

甘遂

厘二分五
研沖

小陷胸湯

治胸結小腹滿痛手不可近

半夏

錢二

黃連

錢一分五

瓜蒌仁

木者一個
杵碎

和胃飲

治霍亂

厚朴

陳皮

各錢二

乾薑

錢一

炙甘草

分六

二冬湯

治上清

天冬錢二

麥冬錢五

花粉

黃芩

知母錢各一

人參

甘草分各五

生地八物湯

治中消

生地

麥冬錢各三

山藥

知母

丹皮

各二錢五分

黃芩

黃連

黃柏錢各一

荷葉二錢水煎服

玉女煎

治陽明有餘少陰不足

熟地錢四

石膏

麥冬錢各三

知母

牛膝

鹽水炒各一錢五分

抽薪飲

治一切火盛

黃芩

石斛

木通

梔子

黃柏

各二錢

枳壳 澤瀉各一錢五分

甘草三錢

犀角大青湯 治胃火發癍大渴大熱或咽痛不利

犀角尖 大青 元參 甘草 升麻 黃芩

黃連 黃柏 人中黃 黑山梔各一錢五分

或加石膏一兩同煎

三黃解毒湯 治火毒內盛

黃連二錢 黃芩 黃柏 黑山梔各一錢五分

安胃飲 治胃火呃逆

石斛 麥芽各三錢 黃芩 澤瀉 山查各二錢

陳皮 木通各一錢

加味升麻湯 治胃火上衝頭痛甚熾

升麻 葛根 赤芍 甘草 各一 石膏 二

薄荷 五分 加燈心二十節

葛根湯 香砂六君子湯 四君子湯 逍遙散

異功散 六君子湯 和中丸 小半夏加茯苓湯

五皮飲 金匱腎氣丸 澤蘭湯 六味地黃丸

大承氣湯 平胃散 白虎湯 調胃承氣湯 以上方見首卷

歸脾湯 薑附湯 二方見心部 二陳湯 方見肝部

保和丸 香砂二陳湯 二方見脾部

外臺茯苓飲 即異功散加枳實二錢生薑三片用真人參

膀胱部

足太陽屬腑

膀胱者州都之官津液藏焉氣化則能出矣然腎氣足則化腎氣不足則不化入氣不化則水歸大腸而為泄瀉出氣不化則閉塞下焦而為癰腫小便之利膀胱主之實腎氣主之也傷寒傳經之邪每自膀胱入一見太陽頭痛等症即宜發散不使邪氣入為諸經害則膀胱為第一關隘矣

○膀胱為太陽腑有表症左尺脈必浮其症為頭痛為項脊酸為身痛四肢拘急為發熱為惡寒無汗

為喘嗽

頭痛者頭腦痛而連頸脊也加味香蘇散主之
甚者加羌活蔥白

項脊強者太陽經所過之地也香蘇散主之

身痛四肢拘急者風傷衛寒傷營寒主收引也

桂枝湯主之

發熱者腠理閉塞也香蘇散主之

惡寒無汗者寒乘表也麻黃湯主之

喘嗽者寒邪客於皮毛肺氣不得升降也麻黃
湯主之輕者止咳散

○膀胱之虛腎氣不化也脈左尺必細沉其症為小便不禁為勞淋為老淋

小便不禁者氣虛不能統攝也十補湯主之
勞淋者勞力辛苦氣虛不化也補中益氣湯主之

老淋者老人思色精不出而內敗大小便牽痛
如淋宜葶藶分清飲去黃柏加菟絲子遠志
以去其精再服六味地黃丸

○膀胱之實脈左尺必洪大其症為氣淋為血淋為
關格為膀胱氣

氣淋者氣滯水道阻塞

脹痛也假蘇散主

之

血淋者蓄瘀莖中割痛難忍也生地四物湯加
紅花桃仁花蕊石主之

關格者溺閉而吐逆也假蘇散主之

膀胱氣者一名胞痺氣結膀胱小腹熱澹於小
便也橘核丸主之

膀胱之寒左尺必沉遲其症為冷淋

冷淋者寒氣堅閉水道肢冷喜熱也金匱腎氣
丸主之

膀胱之熱左尺必數其症為小便不通為膏淋為石淋為便膿血為發狂

小便不通者渴則熱在上焦四苓散加山梔黃芩不渴則熱在下焦滋腎丸主之

膏淋者液滴如膏也草薢分清飲主之

石淋者下如沙石也益元散加琥珀主之

便膿血者心氣遺熱於膀胱也阿膠散主之

發狂者傷寒熱結膀胱下焦蓄血小腹硬滿也

調胃承氣湯主之

膀胱部藥錄

補膀胱藥即補腎之藥腎氣化則小便自行

瀉膀胱猛將

羌活

麻黃

防己

木通

葶藶

猪苓

瀉膀胱次將

獨活

防風

蒲黃

川棟子

前胡

藜蘆

澤瀉

慈

涼膀胱猛將

甘遂

龍膽草

涼膀胱次將

車前子

茵陳

海金沙

川黃柏

溫膀胱猛將

吳茱萸

溫膀胱次將

烏藥

茴香

膀胱部列方

假蘇散 治氣淋

荊芥 陳皮

香附

炒麥芽

瞿麥

木通

赤苓 各二錢

生地四物湯 治血淋

生地 三錢

歸身

赤芍

各一錢五分

川芎

一錢

香蘇散 桂枝湯 麻黃湯 止嗽散 益元散

補中益氣湯 六味地黃丸 金匱腎氣丸

調胃承氣湯

以上諸方俱見首卷

十補丸 葶藶分清飲

阿膠散

三方見心部

摘核丸 見肝部

四苓散 見脾部

滋腎丸 見腎部

膽部

足少陽屬膽

膽者清虛之府居半表半裏之交與肝為表裏氣血足則膽氣壯氣血虛則膽氣怯膽受邪即陰陽交戰而寒熱往來故瘧症之來不一而總不離乎少陽也然其擔事之力猶中正之官不偏不倚決斷出焉膽有表症左關脈必浮而弦其症為頭汗為寒熱往來

頭汗者寒邪將化火也小柴胡湯加丹皮主之
寒熱往來者陰陽相爭也小柴胡湯主之

○膽之虛左關脈必細軟其症為驚悸為太息

驚悸者心血不足以壯之也安神定志丸主之

太息者氣虛也四君子湯主之

○膽之實左關脈必洪其症為胸滿為脇痛為耳聾

胸滿者邪氣結聚也小柴胡湯加枳殼桔梗主

之

脇痛者邪入膽經布之脇下也小柴胡湯加山

梔枳壳主之

耳聾者氣火上衝而閉也逍遙散加蔓荊石菖

蒲香附主之或小柴胡湯

滑。膽之寒脈左關必遲。其症為精滑。為嘔吐。為舌胎。

精滑者。肢腫食少。心虛煩悶。坐卧不安。溫膽湯主之。

嘔吐者。邪正相爭也。小柴胡湯加藿香主之。舌苔滑者。邪未化火也。二陳湯主之。

○膽之熱脈左關必弦數。其症為口苦。為嘔吐。為盜汗。為目眩。

口苦者。熱在膽。膽汁泄也。小柴胡湯主之。

嘔吐者。膽移熱於胃也。小柴胡湯加薑炒竹茹。

主之

盜汗者熱開腠理也小柴胡湯加丹皮主之
目眩者膽附於肝肝竅在目熱故眩也小柴胡
湯加山梔立之

膽部藥隊

補膽猛將 烏梅

補膽次將 棗仁

瀉膽猛將 桔梗 青皮

瀉膽次將 柴胡 香附 秦朮 川芎

涼膽猛將 龍腦草

涼膽次將 青蒿 槐實

溫膽猛將 肉桂 細辛

溫膽次將 山茱萸

膽部別方

溫膽湯 治膽氣虛寒夢遺精滑等症

製半夏

一分

枳實

八分

陳皮

茯苓

各一分

人參

錢一

熟地

炒棗仁

各三錢

遠志

錢一

五味子

錢一

炙甘草

五分

生薑

三片

棗

一枚

小柴胡湯 四君子湯

逍遙散

三方見首卷

安神定志丸 見心部

二陳湯 見肝部

大腸部

手陽明屬腑

大腸者腎陰之竅傳道之官受事於脾胃而與肺金相表裏故肺氣虛則腸若墜而氣為之陷腸液少則肺亦燥而鼻為之乾其呼吸甚密邇也然腸口上接小腸下通穀道為諸臟泄氣之門啟閉一失職而諸臟困矣

○大腸無表症皆屬於裏

○大腸虛者氣虛也脈右尺必沉弱其症為久痢為

脫肛

久痢者氣血不足也歸脾湯十全大補湯補中

益氣湯加烏梅均可

脫肛者氣虛下陷也補中益氣湯加荷葉主之

○大腸實者胃實移熱也脈右尺必洪實其症為便

閉為臟毒為燥渴譫語發狂為腸癰

便閉者實火閉也小承氣湯主之

臟毒者腸胃不清下如魚腸如豆汁也芍藥甘

草湯主之

燥渴譫語發狂者燥屎不出也小承氣湯主之

腸癰者當臍而痛溺數如淋千金牡丹皮散主

之

○大腸寒者積冷也脈右尺必沉遲其症為久痢為便血

久痢者腹絛絛痛寒積在臟也鴉膽子包粉團吞之

便血者肢冷喜熱寒在腸也附子理中湯加歸芍主之

○大腸熱者肺經移熱居多脈右尺必數其症為便血為腸風為脫肛

便血者口燥唇焦熱在腸也芍藥甘草湯加黃

本草皮生地

腸風者臟腑有熱風邪乘之故下血而腹不痛
清魂散主之

脫肛者腸有火則脫出難收腫而痛也三黃解
毒湯加知母荷葉主之

大腸部藥隊

補大腸猛將

淫羊藿

栗壳

補大腸次將

訶子肉

百合

瀉大腸猛將

大黃

桃仁

雷丸

麻仁

升麻

紫草

瀉大腸次將

秦艽

旋覆花

郁李仁

杏仁

大腹皮

白芷

梨汁

涼大腸猛將

黃芩

黃柏

涼大腸次將

地榆

槐實

知母

連翹

溫大腸猛將

胡椒

破故紙

枸杞

溫大腸次將

當歸

大腸部列方

千金牡丹皮散 治腸癰

丹皮

苡仁

各五錢

瓜蒌仁

一錢五分

桃仁

十二粒研

水煎服

如大便閉加大黃錢半當歸三錢

鴉膽子方

治次痢寒積在腸

用鴉膽子一個蒸透將米粉包作團子蒸熟

以開水團團吞下空心服

清魂散

治腸風下鮮血而腹不痛者

荆芥

炒黑三錢

當歸

五錢

十全大補湯

補中益氣湯

附子理中湯

小承氣湯

以上諸方俱見首卷

歸脾湯見心部

芍藥甘草湯見肝部

三黃解毒湯見胃部

小腸部

手太陽屬腑

小腸者受盛之官化物出焉其上口即胃下口水穀由此而入其下口即大腸上口此處泌別清濁俾水液注入膀胱滓穢流入大腸是腑中之有鑒別者故與心相表裏脈附於膀胱而在左尺

小腸無衰症皆屬於裏

小腸虛左尺脈必細軟其症為溺赤短為腰痛

溺赤短者水不勝火也生地黃湯主之

腰痛者水不足也六味地黃丸主之

小腸實左尺脈必洪弦其症為小腸氣為交腸

小腸氣者氣滯下焦臍下轉痛失氣則快也橘核

丸主之

交腸者陰陽搏逆大小腸交也五苓散主之

小腸寒左尺脈必遲其症為咳嗽失氣

咳嗽失氣者小腸嗽也止嗽散加芍藥主之

小腸熱左尺脈必數其症為溺瀦溺短

溺瀦溺短者熱濕壅滯也導赤散主之

小腸却藥隊

補小腸將 生地

瀉小腸猛將

木通

瀉小腸次將

瞿麥

海金沙

川棟子

苡仁

赤芍

赤茯苓

燈草

小腸部列方

生地黄湯

六味地黄丸

五苓散

止嗽散

俱見首卷

導赤散

見心部

橘核丸

見肝部

三焦部

手少陽屬腑

三焦者人生三元之氣臟腑空處是也上焦心肺居之中焦脾胃居之下焦肝腎膀胱大小腸居之其氣總領臟腑管衛經絡內外左右上下之氣三焦通則竟體調和斯其職已

○三焦之病屬於臟腑並無另立病名

三焦部藥隊

補三焦猛將 活羊藿 黃芪

瀉三焦猛將 青皮 木香

瀉三焦次將

柴胡

香附

溫三焦次將

烏藥

白芫荑

胡桃

涼三焦次將

山梔

麥冬

黃柏

地骨

青蒿

連翹

心包絡部

手厥陰屬腑

心包絡者即膻中與心相附居膈上代君行事臣使之官喜樂出焉其見證有手中熱心中大熱面黃目赤心中動諸端而要之包絡之病即心部之病也言心不必更言包絡矣